



सा:गु भिंगु मरिचरिया नितिं लुमंका दिसै !

लक्ष्मण जमाल /चिलिमि'
प्रोप्राइटर

लाखा छै
LAKHA CHHEN

सोहखुटे, वडा नं. १६, येँ, फोन नं.: ४५६०७५८

मुकुमलुङ्ग आन्दोलन तच्चया वन

राज्यं दमन या:गु धासै थीथी विरोधया ज्याइव: घोषणा

• लहना संवाददाता

लहना वा:पौ/ मुकुमलुङ्ग आन्दोलन तच्चया वंगु दु। मुकुमलुङ्ग 'नो केबलकार' पक्षधर व प्रहरी दथुइ वंगु शनिवा: बहनि ल्वापु जूगु दु। उगु ल्वापुइ लाना: २४ म्ह घा:पा: जूगु दु। प्रहरीया कथं उगु ल्वापुइ लाना: भिनिमह सुरक्षाकर्मी धा:पा: जूगु दुसा उलि हे प्रदर्शनकारी घा:पा: जूगु दु। घा:पा: जूपिनिगु वास: जिल्ला अस्पतालय् याकात:गु दु। ल्वापुया इवल्य् प्रहरी भिन्त्यामह प्रदर्शनकारीतय्त ज्वंगु दु। ल्वापुया इवल्य् प्रहरी निगू राउण्ड टियर ग्यास कय्कूगु दु।

प्रदर्शनकारीतय्सं धा:सा प्रहरी अनावश्यक रुपय् हस्तक्षेप या:गु धासै उकियात कया: विरोध या:गु दु। प्रहरी आन्दोलनकारीत च्वनाच्चंगु छै व होटलय् छापा मारे याना: दायगुया लिसे धरपकड, तोडफोड थेंज्या:गु अमानवीय व्यवहार या:गु द्वपं बिउगु दु। आन्दोलनया दुथ्यामह प्रदिप मादेनया कथं प्रहरी २७ म्हेसित ज्वंगु दु।

वंगु फागुन ६ गते निसै 'नो केबलकार' पक्षधरतय्सं मुकुमलुङ्ग



बचाउ अभियानया इवल्य् पदयात्रा यानाच्चंगु ख:। उगु पद यात्राय् राष्ट्रिय मुक्ति पार्टी अध्यक्ष राजेन्द्र महतो लिसे थीथी राजनीतिक पार्टीया नेतातय्सं ब्वति का:गु ख:।

थ्वहे इवल्य् जिल्ला प्रशासन कार्यालय ताप्लेजुङ्ग म्हिग: निसै निषेधाज्ञा जारी या:गु दु। केबलकार दय्केगु खँय् विवाद अप्वया वनेवं

जिल्ला प्रशासन कार्यालय म्हिग: सुथय् निसै अनिश्चितकाल तकया नितिं निषेधाज्ञा जारी या:गु ख:।

प्रमुख जिल्ला अधिकारी नेत्रप्रसाद शर्मा शनिवा: चान्हय् सुचं जारी याना: सदरमुकाम फुङलिङ व पाथिभरा क्षेत्रय् निषेधाज्ञा जारी या:गु खँ न्हयथनात:गु दु। शनिवा: बहनि

फुङलिङ बजारय् नो केबलकार पक्ष

व प्रहरी दथुइ ल्वापु जुइधुंका: ब्वलंगु परिस्थिति प्रतिकूल जूगुलिं निषेधाज्ञा जारी याय्मा:गु खँ न्हयथनात:गु दु। सुचंल्य् धयात:गु दु, संवेदनीशल व प्रतिकूल परिस्थितिया कारण स्थानीय प्रशासन ऐन, २०२८ या दफा ६ (३) कथं निषेधाज्ञा जारी यानागु दु।

थ्वहे इवल्य् केबलकारया विरुद्ध न्हयानाच्चंगु आन्दोलन तच्चया वनेवं

सरकार वार्ताया नितिं आह्वान या:गु दु। गृह मन्त्रालयया सहसचिव प्रेमप्रसाद भट्टराई वंगु फागुन ९ गते वार्ताया नितिं इनाप यासै विज्ञप्ति जारी या:गु ख:। तर सरकार वार्ताया नितिं आह्वान या:सां नं सम्बन्धित मनुतय्त धा:सा उकिया सुचं मथ्यंगु खँ आदिवासी नेता डेकेन्द्र सिंह थेगिमं कनादीगु दु। सरकार वार्ताया नितिं आह्वान या:सां नं उगु पौ हे आधिकारिक ख: कि मखु धइगु न्हयस: आन्दोलनकारीतय्सं त:गु दु।

सरकारी वार्ता पुचलं जारी या:गु विज्ञप्ति सादा भ्वंतय् च्वयात:गु व सरकारी छाप तर्क मद्दगुलिं याना: उगु पौ हे गैरकानुनी जूगु खँ धा:गु दु। सरकार जारी याइगु विज्ञप्ति वा सुचं सरकारया आधिकारिक लेटरहेड व छाप छ्यलेमा:गु ख:सा उगु विज्ञप्तिइ सादा भ्वंतय् व:गुलिं आधिकारिकया न्हयस: ब्वलंगु ख:।

थ्वहे इवल्य् वंगु शनिवा: ताप्लेजुङ्गया मुकुमलुङ्ग जूगु प्रहरी हस्तक्षेप व धरपकडयात कया: भिनिगू जातीय खल: पुच: व गुंगू राजनीतिक पार्टी मंका: कथं विज्ञप्ति जारी ल्यं७ पेजय्

राधिका शाक्यया आत्मकथा 'करुणा' पिदन



लहना वा:पौ/ प्रधानमन्त्री केपी शर्मा ओलीया जहान राधिका शाक्यया आत्मकथा 'करुणा' पिदंगु दु। वंगु छुं न्हय: ग्वसा: ग्व:गु छू ज्याइवल्य् प्रधानमन्त्री केपी शर्मा ओलीया मू पाहाँसुइ च्वमि शाक्य, नेकपा (एमाले) या उपसचिव प्रदीप ज्ञवाली, साहित्यकार अमर न्यौपाने व बौद्ध भिक्षुणी नापं म्ये हालामि आनी छोइङ डोल्मा उगु सफू लोकार्पण यानादीगु ख:।

प्रधानमन्त्री ओली व जहान शाक्यया ३७ क्व:गु इहिपाया दिंया लसताय् प्रदर्शनीमार्गय् च्वंगु राष्ट्रिय सभागृहल्य् सफू लोकार्पण या:गु ख:। पाणिनी बुक्स प्रालिं पिका:गु उगु सफूया लोकार्पण समारोहय् मन्त्रीत नापं उच्च पदस्थ व्यक्तित्वतय्सं ब्वति का:गु ख:। च्वमि शाक्य थ:गु आत्मकथा दुने थ:गु दृष्टि, भोगाई व अनुभूतिलिसै ल्यं७ पेजय्





नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्ञान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भ:भ: धाय्क न्ह्याके भीगु च:तिं भीगु हिं

सम्पादकीय



यँ महानगरय् अनियमितता अप्वल

यँ महानगरपालिका दुने अनियमितताया घटना अप्वया व:गु दु। मेयर बलेन्द्र साहया सल्लाहकार पिनिगु अस्वभाविक व्यवहारं अनियमितताया घटना अप्वया वंगु ख:। विशेष याना: फोहर व्यवस्थापन, सुशासन, सवारी साधन व्यवस्थापन थेंज्या:गु विषय अनियमितता अप्वया वंगु ख:। महानगरया सवारी साधन छ्यलेगुलिं अत्याधिक लापरवाही, कार्य अनुमति बीगु ज्याय् अनियमितता, कार्य अनुमति मद्दिपिं भारतीय नागरिकतय् रोजगारीइ तय्गु, विषयगत समितिया संयोजकयात सवारी साधनया व्यवस्था याय्गु थेंज्या:गु गम्भीर विषय दुथ्यानाच्चंगु दु। थज्या:गु घटना थीथी सञ्चार माध्यमय् पिहां वयेधुंका: नं सरकारं कारवाही याय् फयाच्चंगु म्दुनि।

मेयर साहं थ:गु आदेश माने मया:म्ह प्रमुख प्रशासकीय अधिकृतयात कारवाही याय्गु सामान्य खँ जुइधुंकूगु दु। कारवाही याय्गु जक मखु, मेयरया स्वकिय सचिवं कार्यकारी प्रमुखया ज्याकुथिइ तालं ग्वयात:गु व गाडीया ता:चा लाका यंकूगु घटना नं सार्वजनिक जूगु दु। नक्सा स्वीकृत याय्बल्य, अनलाइन प्रणाली क्यना: सेटिङ्ग ज्या याइ। छानविन समिति गठन याना: नक्सा पास याय्गु ज्याय् समस्या व:गु धासैं प्रतिवेदन सुचुकेगु योजना न्हियान्हिथंया घटना जुइधुंकूगु दु।

समितिया सुझाव थ:म्हसिया जक कार्यान्वयन याय्गु, मेपिं कर्मचारीपिंत मक्यनेगु ज्या तकं जुयाच्चंगु दु। तर, व हे प्रतिवेदनया आधारय् नक्सा स्वीकृति प्रक्रिया न्ह्य:ने यंकेगु उगु हे प्रक्रियाय् ज्या याम्ह कार्यकारीयात कारवाही याय्गु सामान्य खँ जुइधुंकूगु दु। उलि जक मखु न्हापा मेयरं कारवाही यानात:पिं स्वम्ह प्रमुख प्रशासकीय अधिकारीपिंत सरकारं छुं कारवाही या:गु म्दुनि। प्रमुख प्रशासकीय अधिकृतयात छुं कारवाही मयासे मेथाय् हे सरुवा तक याय्धुंकूगु दु। अवश्य नं मेयर साहं याक:चां फुक्क कारवाही या:गु मखु। सचिवालयया दुज:पिसं चुक्ली याना मेयरयात कारवाही याय् प्रोत्साहन यानाच्चंगु दु। उक्तं हे मेयरया खँ मन्यपिं कर्मचारीयात अनुशासनय् कारवाही यानाच्चंगु दु। तर, कारवाही जूपिं कर्मचारीया दोष धा:सा आ:तक पुष्टि याय् फयाच्चंगु म्दु।

आ: महानगर दुने मेयरया सचिवालयया कारणं ग्या:चिक्कु अप्व:गु खँ अप्व: कर्मचारीतय्सं धयाच्चंगु दु। फुक्क खँय् सचिवालयया हस्तक्षेप यानाच्चंगुलिं कर्मचारीपि निराश जुयाच्चंगु दु। ज्या याय्गु मनोबल कुहां व:गु दु। ज्या याय्गु वातावरण स्यनेगु शुरु जुइधुंकल, अले कर्मचारी निराश जुयाच्चंगु दु। मेयर साहं सुशासनय् व्यापक सुधार यानागु खँ प्राय: धा:सां नं सुधारया नामय् कार्यालय प्रमुखया ज्याकुथिइ सीसीटीभि जडान या:गु दु। सुनां छु ज्या यात ? तर मेयर साहं थ:गु सचिवालयया दुज:तय्सं यानाच्चंगु बदमासीयात प्रोत्साहन बियाच्चंगु खनेदु। नक्सा स्वीकृत याय्बल्य परामर्शदाता कम्पनीलिसे सेटिङ्ग व्यवस्था याय्गु, सचिवालयया दुज:पाखें नियुक्त परामर्शदातायात छ्यला: त:धंगु होटल व भवनया नक्सा स्वीकृत याय्गु प्रक्रियायात अग्रसरता काय्गु, मेमेपिं कर्मचारीतय् ज्ञा याकेगु थेंज्या:गु गैरकानूनी गतिविधिया कारणं महानगर सचिवालय आतंक न्यनाच्चंगु दु।

विदेशी ग्वाहालियात कया: छानविन जुइमा:



दिलीप शाही “शान्तिचज्जु”

अमेरिकाया न्हूम्ह राष्ट्रपति डोनाल्ड ट्रंप नेपा:या लिसे थीथी देय् यात बिया वयाच्चंगु आर्थिक ग्वाहालि दिका बिउगु दु। अमेरिकी सरकारं थज्या:गु आर्थिक ग्वाहालि दिका बीवं अमेरिकाया ग्वाहालि न्ह्यानाच्चंगु थीथी परियोजनाय् लिच्च: लाइगु जूगु दु। अमेरिकां युएसआइडीपाखे नेपा:यात ग्वाहालि याना वयाच्चंगु ख:। अथे धका: युएसआइडी नेपा:या सरकारयात तय्यंक ध्यबा बियाच्चंगु धा:सा पक्का नं मखु। अमेरिका थ्व ध्यबा युएसआइडी पाखे हे खर्च यायेगु यानाच्चंगु ख:। अथे धइगु नेपा:या थीथी एनजिओ व आइएनजिओयात बिया: खर्च याना वयाच्चंगु ख:। अमेरिकाया थ्व ग्वाहालि कायेगु ज्याय् नेपा:या नांजा:पिं व्यक्तिथ् नां तकं सार्वजनिक जूगु दु। अफ धायेगु ख:सा नेपा:या चर्चित हास्य कलाकारपिं मदन कृष्ण श्रेष्ठ व हरिवंश आचार्यया नां तकं थुकी दुथ्या:गु खँ सार्वजनिक जुइवं वय्क:पिसं थ:पिसं अज्या:गु ध्यबां गलत ज्या मयानागु व अनं व:गु ध्यबा पाखे नेपा:या समाजयात हिउपा: हइ कथंया वा जनचेतना थनेगु कथं ज्याइव: दयेकूगु धका: स्पष्टीकरण बियादीगु दु। निश्चित रुपं वय्क:पिसं बांला:गु हे ज्याया नितीं अमेरिकां ध्यबा का:गु ख:सां नं थुकथं नेपा:या गुलि संघसंस्थां विदेशी संघसंस्थापाखे ग्वाहालि कयाच्चंगु दु धइगु तथ्यांक धा:सा सार्वजनिक जूगु म्दुनि। अफ मेता खँ धइगु अमेरिकां ध्यबा कया: धर्म परिवर्तनय् लगानी यायेगु यानाच्चंगु द्वपं बीगु यानाच्चंगु दु। थ्व खँयात कया: सत्यतथ्य मालेगु ज्या सरकारया ख:। तर सरकारं थ्व ज्या न्ह्याकी धइगु आशा धा:सा यायेगु थाय् म्दु। छाथ् धा:सा एमालेया आपालं धयाथें नेता कार्यकर्तातय्सं एनजिओ आइएनजिओ सञ्चालन यानाच्चंगु दु। छगू इलय् एमाले पार्टीयात हे डलरवादी पार्टी तकं धायेगु यानाच्चंगु ख:।

विदेशी ग्वाहालि कया: देय्का विकास जू मजू धका: धायेगु फइगु अवस्था म्दु। ख: थीथी देय्का ग्वाहालिं गुलिखे थासय् आपालं हिउपा: व:गु दु। थ्व खँयात स्वीकार यायेमा:। तर अथे ख:सां नं उक्तं विदेशीतय्सं बिउगु ग्वाहालि पूर्वक हे सदुपयोग जूगु दु कि म्दु धइगु न्ह्यस: धा:सा ब्वलनाच्चंगु दु। सरकारी तथ्यांक कथं स्वयेगु ख:सा नीत्यादँया दुने नेपालय् ३ खर्ब १८ अर्ब तक ध्यबा दुहां व:गु दु। छगू कथं धायेगु ख:सा थ्व नेपा:या बजेटया स्वब्वया छगू ब्व ख:। थ्व सरकारी तथ्यांक कथं ख:। सरकारया मेगु छगू तथ्यांक कथं नेपालय् जक

५८ हजार संघसंस्था दर्ता जुयाच्चंगु दु। उकिं मध्ये आपालं संस्था थौं कन्हय् निष्क्रिय जुयाच्चंगु दु। अथे धइगु २० प्रतिशत धइथें संस्था जक सक्रिय जुयाच्चंगु थौंया अवस्था ख:। थ्व ५८ हजार संस्था सक्रिय जुयाच्चंगु इलय् गुलि ध्यबा वल धइगु बारे पूर्वक तथ्यांक धा:सा सरकारयाके म्दु। अफ गुलिखें एनजिओ आइएनजिओतय्सं सरकारयात मक्यसैं थ:पिसं हे ध्यबा हया: खर्च यानाच्चंगु दु। थुकथं वइगु ध्यबा नं खर्ब तक थ्यनेफइगु खँ सार्वजनिक जुयाच्चंगु दु। धायेबलय् नेपालय् आपालं ध्यबा विदेशी ग्वाहालि कथं दुहां वयाच्चंगु दु। तर उकिया सदुपयोग धा:सा जुयाच्चंगु म्दु धइगु खँ स्पष्ट दु।



अमेरिकी सरकारया ग्वाहालिं न्ह्यायेधुंकूगु थ्व परियोजना भविष्ययात कया: थीथी कथंया चर्चा जुयाच्चंगु दु। थ्व परियोजना न्ह्याइ कि मन्ह्याइ ? थुकिया भविष्य छु जुइ। नेपा:या सतक सञ्जाल व विद्युती करणया नितीं व:गु अनुदान कटौती जुल धायेवं थ्व परियोजना भविष्य नं अन्यौलय् लाइगु ख: ला धइगु न्ह्यस: ब्वलनाच्चंगु दु।

मेता खँ धइगु नेपालय् दुगु थीथी राजदूतावासतय्सं नं नेपा:या थीथी एनजिओ आइएनजिओयात ल्हातय् कया: थीथी कथंया ज्या याकाच्चंगु दु। अले उकिया तथ्यांक तकं सरकारं तयाच्चंगु म्दु। थ्व धइगु नेपालय् एनजिओ आइएनजिओया अवस्था भद्रगोल धका: थुइकेमा:गु अवस्था जुल। थुकथं भद्रगोल जूगुया दोषी सु ख: धका: धायेगु ख:सा तय्यंक जनतां थुकिया दोष सरकारयात हे बियाच्चंगु दु। सरकारया ज्या छुं नं कथंया परियोजना वा विदेशी अनुदान न्ह्यानाच्चंगुयात अनुगमन यायेमा:गु ख:। तर नेपालय् थज्या:गु अनुगमन जुइ फयाच्चंगु म्दु वा यानाच्चंगु म्दु उकिया कारण धइगु अफ नं धायेगु ख:सा राजनीतिक संरक्षण हे ख:। राजनीतिक संरक्षण मदयेक गुगुं नं विदेशी ध्यबा हयेत थाकुइगु स्वभाविक ख:। तर राजनीतिक संरक्षण दइगु इलय् धा:सा अज्या:गु ध्यबा अपुक हे नेपालय् वयेगु यानाच्चंगु दु।

आ: मेता चर्चाया विषय जुयाच्चंगु धइगु एमसीसी परियोजना ख:। अमेरिकी सरकारं एमसीसी परियोजना स्थगित यायेगु धका: धायेधुंकूगु दु। अमेरिकी सरकारया

ग्वाहालिं न्ह्यायेधुंकूगु थ्व परियोजना भविष्ययात कया: थीथी कथंया चर्चा जुयाच्चंगु दु। थ्व परियोजना न्ह्याइ कि मन्ह्याइ ? थुकिया भविष्य छु जुइ। नेपा:या सतक सञ्जाल व विद्युती करणया नितीं व:गु अनुदान कटौती जुल धायेवं थ्व परियोजना भविष्य नं अन्यौलय् लाइगु ख: ला धइगु न्ह्यस: ब्वलनाच्चंगु दु। खय्त ला एमसीसी परियोजनाया ध्यबा धइगु ५ अर्ब बराबरया जक ख:। अले उलि ध्यबा मवयेवं नेपालं परियोजना न्ह्याके हे मफइगु अवस्था धा:सा निश्चित रुपं मखु। तर उकिया नितीं मा:गु धइगु राजनीतिक इच्छा शक्ति हे ख:। नेपा:या सरकार प्रमुखतय्सं यानाच्चंगु ज्यायात स्वयेगु ख:सा न्यागू खुगू

अर्ब ध्यबाया नितीं विदेशी ग्वाहालि कायेमा: धइगु म्दुगु दसि वर्तमान प्रधानमन्त्री केपी शर्मा ओली दमकय् दयेकूगु भ्यु टावरं स्थापित यानाबी धुंकल। दमकय् दयेकूगु भ्यु टावर अबौं तक खर्च जूगु ख:। उक्तं हे यँय् दयेकूगु धरग्वारायात स्वयेगु ख:सां नं अबौं तक खर्च याना: दयेकूगु धइगु खँ सार्वजनिक जुइधुंकूगु दु। थुकथं स्वयेगु ख:सा नेपा:या ध्यबा सहि थासय् सदुपयोग सरकारं नं यानाच्चंगु म्दु धइगु स्पष्ट जुइधुंकूगु दु। दमकया भ्यु टावर व यँय् दयेकाच्चंगु धरग्वारायात स्वयेगु ख:सा एमसीसी परियोजना न्ह्याकेत गा:। तर सरकारं हरेक ज्याय् विदेशी ग्वाहालि कायेगु व उकि पाखे वइगु कमिशनया लोभय् नेपा:यात म्वासां म्वासां नं आर्थिक भार लाकेगु ज्या राजनीतिक पार्टी धाये वा सरकारय् दुपिसं यानाच्चंगु दु। नेपा:या आपालं बजेट इलय् खर्च जुइ मफुगु चर्चा जुयाच्चंगु दु। थुकथं इलय् बजेट खर्च मजूगु धइगु सरकारया कमजोरीया कारण ख:। नेपा:या बजेट बांलाक कार्यान्वयन यायेगु खँय् जक ध्यान बीगु ख:सां नं नेपा:यात एमसीसी थेंज्या:गु परियोजना न्ह्याकेत विदेशी ग्वाहालि माली मखु।

सिलाचःहे



શ્રીકૃષ્ણ મહર્જન

सिला चः न्हे कॄन्हु
सक्वया पुलांगु दिपय्
विशेष कथंया पुजा
यायेमाःगु चलन दु ।
अन होम याना पुजा
याइगुयात हे गुप्ती
पुजा धाइगु खः ।
लप्सीफेदीया साघु
सुमसान नं धायेगु
याना वयाच्चंगु पुलांगु
दिपय् होम यानाः
छम्ह ताहा होमय्
तयेमाःगु अले छम्ह
ताहा खुसिइ त्वःताः छ
वयेमाःगु, छम्ह चखुंचा
होमय् तयेमाःगु अले
मेम्ह चखुंचा ब्वयेका छ
लयेमाःगु, छम्ह न्या
होमय् तयेमाःगु अले
मेम्ह न्या खुसिइ चुइका
छ्लयेमाःगु नापं छम्ह
दुगुयात बलि बिया
दुगुया छयं छगः हे जीर्ण
जुइक होम यायेमाःगु
चलन दु ।

दैयूदसं गबलें तिमिलाया गतिया
 त्याखं अर्थात चन्द्रमासया त्याखं
 सिल्ला महिना वइ अबले अबले
 नेवाःतयूसं लुमंकीगु दिं नापं छू कथंया
 नखः खः सिला चःहे । गनं गनं सिला
 च्याकेगु धकाः नं धाइ । सिला च्याकेगु
 धइगु सिं च्याकेगुया अर्थय् कयातःगु
 दु । विशेष याना देगः न्हयःने बहनी मिं
 च्याकेगु याना वयाच्चंगु दु । सिला
 चःहे धइगु नेवाःतयूगु मौलिक कथंया
 नखः खः । मौसम नाप स्वापू दुगु अले
 तान्त्रिक दिं कथं नालातःगु सिला
 चःहे खुन्हु विशेष याना मस्तयूत बहनी
 जुइवं न्ह्याइपुसे च्वनी । बहनी जुइवं
 मस्त पुचः पुचः मुना छू कथंया म्ये
 हालाजुइ

गणेशः या इकुल

महाद्यःया चिकुल

सिंनिका फ्वनेति

थुगु कथंया म्ये हाला: सिं फू
वनेगुयात जगा: कायेगु धयाच्वंगु दु।
थ:थ:गु त्वालय् प्यका लेंय्, छुं न कथंया
देग: न्ह्य:ने अभ्र विशेष याना महाद्य:या
देग:, गणेद्य:या देग: निसें थीथी द्य:या
देग: न्ह्य:ने बहनी सिं च्याका: मिं कुइगु
नितिं ख:। अथे मिं च्याकेगुयात ग्विसिमी
च्याकेगु धका: धाइ। ग्विसिमी च्याकेगु नं
धाइगु ख:सा ग्वंवांगु सिं च्याकीगु जुया:
हे जुइमा: ग्विसिमी च्याकेगु धा:गु। अथे
मि च्याकेगु नाप नापं हलमल सिया:,
हलुवा दयेका:, थीथी कथंया नसा
ज्वलं दयेका तर्क प्रसादया रुपय् इना
नयेगु याना वयाच्वंगु दु नेवा:तयसं सिला
च:हे खुन्हु। अथे ग्विसिमी च्याकीगु
इलय् थ:पिनिगु थाय् विशेष कथंया
द्य:या थाय् चाक: मत च्याकेगुनिसें
ग्व:र: च्याकेगु तर्क याइ। विशेष याना
थ:थ:पिसं थापना यानात:पिं द्य: दुसा
उम्ह द्य:या न्ह्य:ने ग्विसिमी च्याके
हे मा:गु अले प्रसाद इना नकेमा:गु
चलन दु। अथे हे उखुन्हु बहनी दाफा
थायेगुनिसें ह्याउँथ्व क्वकायेगु धका: ह
याउँथ्व त्वनेगु, लाभा वाला नयेगुनिसें
छ्लय्ला छुया नयेगु तर्क याइ। अथे
थीथी कथंया नसा ज्वलं दयेका नयेगु
नेवा:तयगु सिला च:हे नख: हेनेगुया
थ:गु हे पह: ख:।

बुंगद्यःया न्ह्यःने ग्वसिमि

सामान्य तथा सिला चःहे कुहु
महाद्यःया थायू ख्विसिमि च्याकेगु धकाः
मनूतयूसं धायेगु याना वयाच्वंगु दु । तर
नेवाःतयूसं अन्नया द्यः अले मौलिक
द्यः कथं नाला वयाच्वंह बुंगद्यःया
देगः न्हयःने तकं अथे ख्विसिमि च्यकीगु
चलन दु । यलया तःबहालयू बुंगद्यःया

देगः न्ह्यःने सिला चःहे कुन्हु मि
च्याकेमाःगु चलन दु । अले बुंगद्यःयात
चा वसतं पुंकेमाःगु तर्क चलन दु ।
बुंगद्यः दुगु यलया तःबहालय् जक
मखु बुंगद्यः मदुगु बुंगया देगलय् तर्क
सिला चःहे कुन्हु अथे मि च्याकेमाःगु
चलन दु । महाद्यःनिसें बुंगद्यःया न्ह्यःने
अले गणेद्यःया न्ह्यःनिसें दुवातय् तर्क
ग्वंसिमि च्याकीगु चलन धइगु थ्व छुं
छूगु धर्म विशेष कथं नेवाःतय्सं हना
वयाच्चंगु नखः मखु समग्र नेवाःतय्सं
हे थःगु हे कथं हना वयाच्चंगु नखःया
रुपय् कार्थेछं ।

दच्छया भिनिगू चःहे

नेवाःतयसं तिथिया ल्याखं हनीगु
थीथी नखः चखःत मध्ये चःहे खुन्हुं न
नखःया रुपय् हना वयाच्वंग दु । चःहे
धङ्गु पुन्हि लिपा अमैया छ्हु न्हयःया
बहनी खः । चर्तुदशीयां धिं धङ्गु हे चःहे
खः । तसकं कडागु ई कथं नालातःगु
चःहे धाङ्गु चा नाप स्वापू दुगु ई खः
बहनीनिसें बाचा ई तकयात चःहेया
रुपय् नाला थीथी कथंया चलनयात
निरन्तरता नेवाःतयसं बिया वयाच्वंग दु ।

चःहे दच्छिया दुने भिनिगू
वइ। स्वन्तिया इलय् वइगु चःहेयात
स्वन्ति चःहे धाइ। अनं लिपा लयूलय्
पतिकं छसिं कथं बाला चःहे, दिसि
चःहे, लैं चःहे, सिला चःहे, पाहां
चःहे, मातातीर्थ चःहे, सिथि चःहे,
दिला चःहे, गथांमुगः चःहे, जुगः
तःहे, नलास्वने चःहे खः। थुगु कथंया
भिनिगू चःहेया इलय् हे चःहे पुजा
याइपिं दुसा अथे हे गुथि न्यायेकीपिं नं
नेवाःत मदगु मखु।

थुगु कथंया भिनिगू चःहे मध्ये
बाला चःहे कुन्हु यैंया ग्वलय् च्वंगु
पशुपति लागाय् छगू कथं मेला जुइ
बहनी । दच्छिया दुने छैंजः मदुपि मनूत
गुता बीबःया सतिबज हवलेगु धकाः
चाःहिला हवलेगु याइ । अथे हे सिला
चःहे धइगु बहनी सिं च्याकाः मि
कुइगु अले महाद्यःया भक्ति यायेगु दिं
कथं नालातःगु दु । अथे हे पाहां चःहे
धइगु लुकमाःद्यःयात पुजा याना नख
हनेगु व यैंय जात्रा यायेगु तकं याइ ।
यैंमितय् तःधंगु नखःया रुपय् पाहां
चःहेयात कयातःगु दु । अथे हे चःहे
मध्ये नखःया रुपय् हना वयाच्च्वंगु
धइगु गथांमुगः चःहे खः । थःथःगु
छैं व त्वालय् च्वंगु भूतया प्रतिक
गथांमुगःयात वाये यंकेगु याइ । अथे
हे जुगः चःहे धाइगु जुग हिलेगु दिया
रुपय् जुगः चःहे हना वयाच्च्वंगु दु ।
थुगु कथं थीथी इलय् चःहेयात नखःया

रूपय् नं हना वयाच्च्वंगु दु ।

चःहे व बौ बिइगु

तसकं कडा चा कथं नालातःगु
जुया चःहे पतिकं कु बिद्या
सयेकीपिनिगु निरितं बांलाःगु ई धकाः
नं मनूतय्सं धायेगु याना वयाच्चंगु दु ।
उकिसनं सिला चःहे ला भन हे कडागु
छाःगु ई धाइ । अले चःहे पतिकं
नेवाःतय्सं गुधि हे दयेका चःहे पुजा
याना वयाच्चंगु दुसा बौ बिइगु नं याना
वयाच्चंगु दु । भूत, प्रेत, वायु, विशाच
पिछ्वयेगु वा निवारण यायेगु निरितं बौ
तयेगु अर्थात बौ बिइगु धाइ । गुलिं
गुलिसिनं बां स्याना बांया आरपति जा
थुयातःगु थलय् चाःहिइका थाय् थासय्
छाया वनेगु अर्थात् हवला वनेगुयात हे
बौ बिइगु धकाः धाइ । विशेष याना
दुवा दुवातय्, काले काले अथे बौ
बिइगु ज्या याइ । गुलिं गुलिसिनं धाःसा
वा व जाकी बच्छि बच्छि त्वाका छ
याना थुयातःगु जा हे हवला वनीगु
याना वयाच्चंगु दु । थुगु कथंया पुजा
धइगु नेवाः समाजय् तान्त्रिक विधि
कथं याइगु पुजा खः । अले अथे बौ
बिइगु ज्या यात धाःसा बामिलाःगु
मवयेमा धकाः याइगु विशेष कथंया
पुजा खः ।

सक्वय् गुप्ती पुजा

स्वनिगःया नेवाःतयस् थःथःगु
कथं द्यःया न्ह्यःने मि च्याका
च्वेनेगु याइसा अथे सक्वय् न थःथःपिस्
पलिस्था यानातःगु गणेद्यः, नाराद्यः,
महाद्यःनिसें भैरव द्यः व थीथी द्यःया
न्ह्यःने सिं च्याकीगु चलन दु । अथे हे
मेमेथाय् थें हे बुब सिया नयेगु, समयबजि
नकेगुनिसें प्रसाद इना बिइगु चलन
सक्वय् न दु । माघ महिना ज्वःछि नादि
खुसि अर्थात शाली नदिइ स्वस्थानि धलं
दपिं सकलें हे सिला चःहे कुन्हु बहनी
सक्वया ज्योतिलिङ्गेश्वर महाद्यःया
न्ह्यःने मि च्यकाः च्वेनेमाःगु चलन
दु । स्वस्थानी लच्छि तक धलं दंगु
पूर्वकेगु कथं अथे मि च्याका चान्ह्य्
च्वेनेमाःगु अले अन प्रसाद काये धुंकाः
बज्रयोगिनीया दर्शन यानाः जक धलं दंगु
पूर्वनी धइगु मान्यता दु ।

सिला चःहे कुन्हु सक्वया
पुलांगु दिपय् विशेष कथंया पुजा
यायेमाःगु चलन दु। अन होम याना
पुजा याइगुयात हे गुप्ती पुजा धाइगु
खः। लप्सीफेदीया साघु सुमसान नं
धायेगु याना वयाच्चंगु पुलांगु दिपय
होम यानाः छम्ह ताहा होमय् तयेमाःगु
अले छम्ह ताहा खुसिइ त्वःताः छ
वयेमाःगु, छम्ह चखुंचा होमय् तयेमाःगु

अले मेम्ह चखुंचा ब्वयेका छलयेमा:गु,
छम्ह न्या होमय् तयेमा:गु अले मेम्ह न्या
खुसिइ चुइका छलयेमा:गु नापं छम्ह
दुगुयात बलि बिया दुगुया छ्यं छा: हे
जीर्ण जुइक होम यायेमा:गु चलन दु ।
अथे दुगुया छ्यं होमयाइगुयात स्थानीय
मनूतय्सं दक्षप्रजापतिंया छ्यं दुया छ
वयेगु धका: नं धाइ । अथे विशेष
कथंया गुप्ती पुजा क्वचाये धुंका: अनं
ह:गु प्रसाद हे स्वस्थानी धलं दना
उकुन्हु ज्योतिर्लिङ्गेश्वर महाद्य:याथाय्
चान्हय् मि च्यकाच्वंपितं प्रसाद बिइगु
चलन दु । अथे गुप्ती पुजाया नितिं
गुप्ती पुजा गुथि धका: हे दयेकात:गु
दु ।

नगामय् बलिं उड्ग

सिला चःहे कुन्हु हे बहनी किपू
नगर दुनेया हे नेवाः वस्ती नगामय् बलिं
उड्गु चलन दु। उकुन्हु बहनी नगांया
नासः द्यःया न्ह्यःने विशेष कथंया पुजा
यायेमाःगु चलन दु। गुरुन्हु हे च्वना
पुजा याइगु खः। अले अन मिखाय्
तयेगु अजः तर्क फ्वयेगु याइ। अन
अजः फ्वलकी तसर्क भिं धाइगु जुया
स्थानीय मनूत यक्वसिनं अजः तर्क फ्व
वड्गु खः।

जा थुइमा:

जा श्रुयातः गुयात थलय् तथा हे
नगां देय् चाः हिङ्क बौ बिया वनीगु
चलन दु । जा ह्वला वनीगुयात हे बलिं
उङ्गु धाइ । उगु इलय् यक्व हे मनूत
छ्वालिप्याः च्याका बौ बिया वनिम्ह
न्हयः न्हयः व ल्यूल्हू वनेगु याइ । अथे
छ्वालिप्याः च्याका बौ बिया वनीगु
अर्थात बलिं उया वनीगु नगांया थःगु
हे कथंया संस्कृति खः । उगु इलय् हे
पःसिं पिहां वा धकाः तक्ं छ्वालिप्याः
च्याका वनिपिं हाल्ला वनीगु खः । अथे
बलिं उङ्गुयात नगां भिंकेगु धकाः नं
धारेगु याना वयाच्चांगु दु ।

थःशःगु स्थानीय परम्परा कथं
सिला चःहे नेवाःतयूसं हना वयाच्चंगु
दुसा सिला चःहे थौकन्हय् वया
शिवरात्रीपाखें धितुधिना यंकाच्चंगु दु।
तान्त्रिक विधिं याइगु पुजा, थःपिनिगु
वस्तीइ माभिगु तत्व मवयेमा धकाः
याइगु पुजा, चिकूलाया ई फुत धकाः
तायेकेगु अले तापला वल धकाः सन्देश।
बिइगु याना वयाच्चंगु नापं बुबः सिया
नयेगुनिसें थःशःपिनिगु पुर्खा पलिस्था
यानातःगु द्यःया न्हयःने मि च्याका मि
कुइगु नेवाःतयगु मौलिक कथंया संस्कृति
खः। थुगु संस्कृति बुलुहें बुलुहें त्वःताः
वनाच्चंगु दुसा शिवरात्रीपाखें धितुधिना
यंकाच्चंगुयात कया थुइकेमाःगु ई वःगु दु।



राम प्रजापति
प्रोफ़ाइटर

द्वारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

[illegible]

सूचना

२०८१ फागुन १३ मंगलवाः





श्री दुष्केश्वर महादेव

स्वार्थया ग्याचिकु छगू न्ह्यसः



सुधीर स्वबि

ज्वजलपा !
न्यनेसातकी
सुं सुं पासापिनिगु न्हाय् या
च्वामुगु गुई
भुखाय् ब्वइ

फ्याफुल्ला !
घन्कय् जुलकी
गुलिगुलिं ख्वाल्य्
सुपाँयया किचलं त्वपुइ धुंकी

सेवारो !
गुनगुनय् जुलकि
गुलिसिगु छाती चस्स चस्स
कथं त्यूगु थें जुइगु
अथे हे

.....
आसेवारो
रामराम अभिवादनय्
गुलिखे नमस्कार / नमस्तेया
न्त्यपुइ
नुगःचु हे ह्वगं थें जुइ
अले
र,
हयेत स्वइ सुनामी
राष्ट्रभाषाया महिमाया
पुइकेत स्वइ
साम्प्रदायिकताया तपुलि
लायेतः स्वइ कं
विखण्डनवादीया

धायेतः ला स्वांक्यब धायेगु
याइ
तर छतावेस स्वांमाय् जक
चा क्वानाच्वनी
लः बियाच्वनी
धनसाः तया
पोसे यानाच्वनी

तर वहे नमस्ते
वहे जदौलय् नं
अफः व्यागलं तयाच्वनी
मुलु सुका लुखांपिने
लाकाच्वनी
लाकां त बुंगाःचां
तापाक्क ख्यानाःच्वनी

यक्व न्हाय्
छाय् कयेकुनिगु खः
भाषिक स्वां ह्वयेत स्वल कि
यक्व कपाः
छाय् कयकय् कुनिगु जुइ
मां भाय्या नस्वा ह्वलेत
स्वलकि
छाय् ग्याइगु खः
आयातित लिपि व
माध्यम भाषा ?



अजना तालाकार

नुनु कानु नु छं म्हाः म्हाः
धयां जि ला । लिफः स्वये म्वाल
नु धकाः हेराचित गंता ज्वनाः
सातुसाला स्वयं हे पहलमान थें
च्वंम्ह ग्वाय् म्हु म्हु तयातम्हं
मिखा ततःग्वम्हं स्वये ग्याना
पुस्ये च्वंम्ह तःधिम्हं स्वय्
अजंगम्ह छम्हं वया वयात ल्हाः
निपां खिपतं चिना सातुसाला
यकि । व ख्युउस्य च्वंगु सव्व
चाय् हेराचां धाइ 'क द छाय्
साः वयागु छं, जिं छु यानागु
दु धका छन्त ?' व सातुसाला
च्वंमेस्यां धाइ 'हे ! हेराचा' अप्वः
हालेमते छं दः म्हमस्युला छं ।
हेराचां धाइ 'म्हं स्यु जिं छन्त
छिं छु यानागु दु जि' । व स्वये
हे ग्याना पुम्हेस्यां धाल 'जि
यमराजका छन्त का वयागु ।'
अले हेराचिया हंस थाय् त्वःतिइ
अले वं ग्याना लुगुलुगु खाइ
तसकं ग्याइ अले वं ल्हाः निपां
बिन्ति बिन्ति याना धाल 'कर
जोडी बिन्ति जि वये म्हानि'
जि यक्व ज्या दनि । यमराज
छं ज्या याये मानि धयां जिं ला
छंगु ई फुत । नु नु याकन धया
सातुसाला लुटुलुया वयातः
म्हाः म्हाः धाय्क यमराज साला
यंकी ।

अले न्हापां वयागु कर्मया
हिसाब यायेया निंतिं चित्र
गुप्ता न्ह्यःने हिसाब किताब
यायेत निम्ह स्वये हे भयंकर
ग्यानापूस्य च्वपिं दुतत सःताः
वयात चित्र गुप्त याथाय् हाजिर
यायेत नापं छ्वया बिइ । चित्र
गुप्तं वं यानातःगु पाप धर्मका
धलः पुइका स्वयाः चित्र गुप्तं

दुततयुत उजं बिया छ्वइ ।
चित्र गुप्ता उजं कथं हिराचित
हापां नर्कया खापा चायेका
क्यनी ।

अनं मनूत दुःख पिडां
ह्वाय्ह्वाय् ख्वयाच्वपिं मिं
पुनाः छतपत जुयाच्वपिं खनी
अले ग्याना व दुततयुत हिराचां
न्यनी 'ओह ! छाय् अपाय्सकं
थुमित दुःख बियातःगु हां ? दुतं
धाइ 'थुपिं ला कर्पिनिगु ध्यवा
त्याय् कयाः मपूस्य कर्कियात
ध्यवा मपूसं बेइमान याना
वपिं । कर्किया ध्यवां नया मोज
यानावपिं व ग्वारा ग्वारा दागु
चिकनय् थुनाः तम्हं खं ला व
बचत तथा ऋण सहकारीया
ध्यवा नया वम्हं ।

कर्किया भचा भचा याना
मुंकाः सहकारी तयातःगु ध्यवा
नयाः थःगु श्वार्थया निंतिं
करकिया ध्यवां मोजमज्जा
यानाः वःपिं का ।

कर्किया भविष्यया निंतिं
नसे मनसं तिति पापा यानाः
मुंकातःगु ध्यवा गुलिसियां
थःत वास यायेत, गुलिसिया
थः मस्तय् आखः ब्वंकेत,
मस्तय् इहिपा यायेत अने तने
ज्या यायेत नसेमनसं थीथी
ज्याया निंतिं थःगु भविष्या
निंतिं मुकातःगु ध्यवा नयाः
वःपिं कर्पिनिगु म्हंगसय् मि
तयाव्युपिं । अमिगु कर्तुत
यानाः गुलि मनूतसं ध्यवा
काये मफया आत्मा हत्या
तकं यायेमाल । गुलिं मनय्
खं ल्हाकाः वय् विरामी तकं
जुयावपि दु । थःगु नसेमनसं
तयातःगु ध्यवा खरानी याना
व्युगुलिं । करपित नुगलय्
स्याकाः क्वाःगु ख्वबि हायेकाः
वःगुलिं गुम्हं चिकनय् गुम्हं
खि थुनाः नर्क भोगे याकातःगु
का सिल ला ? थजापिं ला
खः सहकारी संस्थायात पतन
याना व्युपिं । मेपित ख्वयेकाः
कमे याःगु ध्यवां गबलें बांलाइ
मखु । बेइमान याःपिसं जक

खः ला अमिसं काःगु त्यासा
पूला मव्युसा वया सन्तान दर
सन्तान तय् तकं चितासु दइ
मखु छु नं छु जुयाः दुःख जुयाः
हे च्वनि स्यु ला ? करकिया
मेहनत हिचःतिं कमे यानातःगु
गुबसं पचे याये फइमखु । व
का स्व अथे वाथावाथा कनाः
पाप भोगे यायेमाली ।

व लु खनाः व खं न्यनाः
हिराचित चिकुलां च्वापु गुंइ
यंकाः थुने यंकु थें नुगःच्व
लुगुलुगु खाइ । छाय् कि वं नं
निगू स्वंगू सहकारी बेइमान
यानाः ध्यवा नयाः ध्यवा मपूसे
जक ला पुले फुसां अफ ध्यवा
पचे यायेगु कुबिचा यानाच्वंम्ह ।
ताताःपाः डाँडा काँडाय् च्वंगु
जग्गा अथे हे बेइमानपिं मनूत
नापं मिलोमतो याना fake भ्वं
दयेकाः थगे यानावम्हं ।

अले वयात वयागु पाप
धर्मयागु धल कथं क्वाःगु
चिकनय् थुनाति धयागु उजं
कथं आः छंगु पाः धकाः गतां
ज्वनाः ग्वारा ग्वारा दाःगु
चिकनय् थुने यंके त्यंबलय् व
ग्यानाः चिच्याय दना हाल ।
अले 'ये हिरा ! ये हिरा ! धकाः
वया म्प्य ग्वाराग्वारा याना
कलाम्हेस्यां थनिं । छु जक
हालाहःगु थ्व मिजं धया थना
च्वनी । हेराचां भसङ्ग वनी
अले मिखा तःतःग्वः कनाः उखें
थुखें स्वइ । मानो गनं व गनं
व थें यानाः । वयागु म्हं छम्हं
ग्यानाः चःति चःति जुयाः लं
फुक्क निथुक प्यानाच्वनि ।
लासाय् छक तःतःग्व मिखाकना
थिया स्वइ । अले छकः सासः
ल्हानाः वं जि बचे जुल बा
धकाः हाकनं भसुका तयाः
कलायात स्वया धाल 'ओह !
मैयां छं इलय् हे जितः थनाः
बचे यातका बा । नत्रसा जितः
भन्डै क्वाःगु चिकनय् थुने
त्यंगुका । हिरांचा हाकनं लिसा
कया धाल' वह ! मैया छं जितः
तसकं तःधंगु गुण यात जि बचे

जुलका बा !

हानं धाल नत्रसा जित
मखुत्य हे यायेत्यंगु का ।
गज्याःगु भयंकर ग्यानापुगु
म्हंगसका बा । जिगु ला
सातुपातु हे कालका । मैया 'छु
म्हंगु अपाय्च्वं ग्यानापुगु हां ।
हेराचां धाइ जि ला यमराजयागु
ल्हातं बचेजुयाः वयागु का धाथे
म्वाना वयागु का । मैया 'म्वा
मदुगु खं ल्हाइका थ्वं मिजं नं ।
म्हुसि स्वयां वा पिहां वःगु खं
ल्हाइम्ह मिजं । थः म्हिग भ्यभ्य
लुइक त्वनावल । अले छु छु
खं छु छु खं का अथें ययःथें
न्त्यलय् हाला हल, गबलें वा
कुरू कुरू न्ह्यइगु, गबलें धुं
हालि थें ध्वार ध्वारं न्ह्यःसः
वयेका हइगु, गबलें ख्वया
हइगु । छु जक हाला हःगु का
स्वय् ग्यानापुक । जिगु जक
न्ह्यः स्यंकाविल । हिराचां धाल
'जित ला म्हंगसय् जूसां जिगु
मिखा चायेका विल बा ।

सहकारी ध्यवा नयाः
वपित ला सास्ती याये फक्व हे
यानातःगु क्यना हल । व खनाः
जिके चेतना वल । बास्तवय्
मेपिनिगु नुगः ख्वयेकाः ध्यवा
नयाः गबलें सुख सि मखु
खनी । मैया धाल 'व हे ला जि
न्त्याबलें हे फु फु पुले यंकि
धकाः हालाच्वनागु मखुला ?
अले छं सहकारी त्याय् कयातःगु
ध्यवा मपुले मनसुवा तयाः
वास्ता मयासे हेपे यानाच्वन ।'

तर व भयानक खंगु
म्हंगसं जूसां हिराचिया नुगः
व वयागु वामलाःगु सहकारी
ध्यवा मपुलेगु बिचाः हिलासु
वल । आः वं विस्तार विस्तारं
पुलाबी धकाः मनंमनं अठोट
यात । कलाम्हेसित नं जि आः
भचा भचा यानाः पुलाबी धकाः
थः नुगः खं कन । कलाम्हं
नं सहकारीयापिं मनूत वयाः
न्हिछि ज्वं वयाच्वनीगुलिं अले
हिराचा नमाय् थें जुया वास्ता
मयासे चुनच्वंगुलि खः ।

पित्याः



सुनिल बज्राचार्य

थौं छम्ह खूं ज्वन ।
- थ्वःयात कारवाही
यायेमाः
- थ्वैत कुनेमाः
यक्वसिनं लाक्व पाक्व

नं धाल । ब्वः बिल । छत्थु
नित्थु दा नं दाल । व खूं
थरथर खाः ।

जि लिक्क वना । व
खुँयाके न्यना -

'छं छु खुयागु ?'
लिसलय् धाल - 'जाकि'

अले, ततःसलं
कारवाहीया सः थ्वयेका
च्वपित जिं धया -

'बिन्ति वयात कारवाही
यायेमते वरु मेगु छबोरा नं
वयात खुइव्यु, जि ध्येवा पुल'

प्याजया खं



कविन्द्र लाल प्रधान,
नुगःत्वाः, धालाछे, यल

- थौं वं न्हापा म्हिगः थें
प्याज छगः तायेत काल ।
- बुखं न्यन्यं प्याज तायेत
स्यागिचा काल ।
- बुखं भ्रष्टाचारया
अनुसन्धान तसकं गंभीर

जूगु खं वल ।
- वं आः प्याज मताल । लुसिं
कुति कुति याना पत्र पत्र
प्वल ।
- गुलि गुलि प्याज प्व प्व
वन उलि उलि भ्रष्टाचारया
स्रोत तःधिकापिं न्यात थें
जुयावल । ह्वेल हे मिखाय्
न्ह्यःने वल ।
- लिपांगु पत्रय् थ्यंबलय्
संविधानया सफूया लू
वल ।
- वं उत्तिखेरं क्वछितः ।
- वं प्याजयात घौपलख हे
न्ह्यःने मतःसे पौ पुइक
वांछवल ।

साहित्यकार मोती शोभा श्रेष्ठया प्यंगु कृति लोकार्पण



लहना वाःपौ/साहित्यकार मोती शोभा श्रेष्ठ च्वयादीगु प्यंगु कृति लोकार्पण जूगु दु। उगु कृति नेपाली भाषाय् ‘अल्भिष्का धागाहरु’ बाखं संग्रह, ‘फूलबारी’ लघुउपन्यास, नेपाल भाषाया ‘घुटु चियाया’ बाखं संग्रह व अंग्रेजी भाषाय् ‘नेचर’ या लघु उपन्यास

लोकार्पण जुगु खः। ज्याभूवल्य् पूर्वमन्त्री लिसे साहित्यकार शंकरप्रसाद कोइराला, वरिष्ठ साहित्यकार लिसे जनमत प्रकाशनया अध्यक्ष मोहन दुवाल, बाखं च्वमि भागीरथी श्रेष्ठ लोचनतारा तुलाधर, साहित्यकारपि शैलेन्द्र साकार, लक्ष्मी माली, जलेश्वरी श्रेष्ठ, शाक्य सुरेन,

रमेश तुफान, ज्ञानेन्द्र विवशपिनिगु ब्बति दुगु खः। साहित्यकारपि शंकर कोइराला, मोहन दुवाल, लोचन तारा तुलाधरपिंस उलेज्या यानादीगु खः। साहित्यकार मोती शोभा श्रेष्ठया ‘अल्भिष्का धागाहरु’ य् ५० गु बाखं दुथ्याःगु दु सा ‘रंगीचंगी फूलहरुले सजिएको फूलबारी’ लघु उपन्यासय् पारिवारिक सदभाव, समन्वय, थःम्ह थः मेलमिलाप व सकारात्मक बिचाःयात मू विषय दय्कातःगु खः। नेपालभाषाया प्रकाशित ‘घुटु चियाया’ बाखं संग्रहय् ६० गु बाखं दुथ्याकातःगु खःसा अंग्रेजी भाषां प्रकाशित जूगु ‘नेचर’ शीर्षकया लघु उपन्यासमा प्रकृति मतिना नाप नेवाः समुदायया संस्कृति व रीतिरिवाजय् च्वयादीगु खः।

अशिलल शब्द छ्यःगु बारे नेवाः देय् दबूया चिउताः

लहना वाःपौ/ नेपालभाषाया म्येयात अशिलल कथं न्ह्यब्वःगु खँय् नेवाः देय् दबूया ध्यानाकर्षण जूगु खँ धाःगु दु। ने पाल भाषायात क्वह्य्केगु, अशिलल ढंगं पोटकास्ट याःपिंत प्यम्हेसिया विरुद्ध अभियान न्ह्याकाच्वपिं अभियन्ता सहित अधिवक्ता व भाषिक अधिकारकर्मीतय् दथुइ वंगु आइतवाः गम्भीर सहलह ब्याकूगु दु।

नेवाः देय् दबूया उपाध्यक्ष उमेश स्थापितया उपस्थितिइ प्रशासनिक लिसे कानुनी उपाय नालेमाःगु खँय् सहलह जूगु खः। थ्व विषययात कयाः नेवाः देय् दबू गम्भीर रुपं कयाः सहलह ब्याकेगु वमाःगु पलाः ल्ह्वनेगु जानकारी बिउगु दु। वंगु फागुन ५ गते नेपालभाषायात क्वह्य्केगुया निसें अश्लील शब्द छ् यःगु विरुद्ध सजन श्रेष्ठ, सुशान्त प्रधान, उत्सव सापकोटा व जिम्बा सुब्बायात

कारबाही यायेमाःगु माग यासें जिल्ला प्रहरी परिसर भद्रकालीइ निवेदन बिउगु खः। थःपिसं निवेदन बियां नं आरोपिततय्त कारबाही मयाःगु धासे वंगु बिहीवाः अभियन्तातय्सं भद्रकाली प्रदर्शन नं याःगु खः। प्रदर्शन लिपा प्रहरीं याकनं हे ज्वनाः कारबाही यायेगु बचं बिउगु खःसा आः तक नं कारबाही मजू धासें नेवाः देय् दबुली सहलह ब्याकूगु खः।

चन्द्रागिरी नपां नवनियुक्त सहसचिव अर्यालयात हन

लहना वाःपौ/ चन्द्रागिरी नगरपालिकाया प्रमुख प्रशासकीय अधिकृत हेमराज अर्याल राजपत्राङ्कित प्रथम श्रेणी (सहसचिव) पदय् सिफारिस जुयादीगुलिं वय्कःयात हंगु दु। थ्यं मथ्यं भिन्हय्ला प्रमुख प्रशासकीय अधिकृतया जिम्मेवारी कयादीम्ह वय्कलं मुकं नगरया उन्नयनय् ऐतिहासिक ज्या याय्त ताःलाकादीगु खः।

चन्द्रागिरी नगरपालिकां वंगु फागुन ५ गते ग्वसाः ग्वःगु ज्याइवल्य् सहसचिव अर्यालयात नगरप्रमुख घनश्याम गिरीं हनादीगु खः। उगु इवल्य् नगरप्रमुख गिरीं नगर प्रहरी गठन, जिपिएस व डिजिटल प्रणाली कार्यान्वयन, प्रसूति अस्पताल निर्माण थेंजाःगु दूर्गामी महत्वया योजना कार्यान्वयनय् प्रमुख कार्यकारी

अधिकृत अर्यालया योगदान महत्वपूर्ण जूगु खँ कनादिल। वय्कलं धयादिल, “जिं आः तक १० म्ह प्रमुख कार्यकारी अधिकृतलिसे ज्या याय्धुनागु दु, तर राजनीतिक आज्ञुयात थुइकाः याकनं ज्या पूर्वकेगु क्षमता प्रमुख कार्यकारी अधिकृत अर्यालयाके जक लुइका। सत्य व तथ्यय् आधारित कार्यसम्पादन याय्गु वय्कःया शैली नाला काय् बहजू।” उगु इवल्य् सहसचिव अर्यालं राष्ट्रसेवक कर्मचारीया निरितिं चन्द्रागिरी नगरपालिकाय् ज्या याय्गु वातावरण तःजिक दुगुलिं थःगु क्षमतां फक्व नगरया उन्नयन याय्त थःम्हेसिनं ज्या याना धकाः धयादिल। वय्कलं धयादिल, “जि यथाः व मालाः चन्द्रागिरी नगरपालिकाय् वयागु मखु, दबाव व प्रभावय् कार्यसम्पादन

याय्गु बानी जिके मदु।” बिस्कं प्रसन्नय् सहसचिव अर्यालं थःम्हं किताबी सैद्धान्तिक ज्ञान स्वयां समाज व समुदाययात दुयंक अध्ययन यानागुलिं राजपत्राङ्कित प्रथम श्रेणीइ नां पिकाय्त ताःलाःगु खः धयादिल। सहसचिव अर्यालं थःम्हेसि नं न्ह्याकूगु भिंगु अभ्यासयात वइगु इलय् न्ह्याकायंकेत सुभाब बियादिसें ५१ गू बुँदा ‘संस्थागत स्मरण’ नं लःल्हानादिल। ज्याइवल्य् निमित्त प्रमुख प्रशासकीय अधिकृत सुजनराज खनाल व उपप्रमुख वसन्ती श्रेष्ठलिसें नगरपालिकाया प्रवक्ता कृष्णप्रसाद खड्गी, प्रमुख प्रशासकीय अधिकृत अर्यालं चन्द्रागिरी नगरपालिकायात बियादीगु योगदान न्ह्याबलें लुमनाच्चनी धयादिल।

प्रेस चौतारी एशोसिएटय् अध्यक्षय् श्रीहरी थापा



लहना वाःपौ/ प्रेस चौतारी नेपाल एशोसिएट प्रदेश समितिया निक्वःगु प्रदेश अधिवेशन क्वचाःगु दु। उगु अधिवेशनं अध्यक्षय् श्रीहरी

थापायात ल्यःगु दु। अथे हे उपाध्यक्षय् रघुनाथ सापकोटा व स्वस्तिका थापा, महासचिवय् मनोज न्यौपाने, कोषाध्यक्षय् विक्रम सुनारयात ल्यःगु

मिस नेवाः प्रलिशायाम भिंतुना

लहना वाःपौ/मिस नेवाः ११४५ या उपाधि विजेता प्रलिशा शाक्यया नापनापं फर्स्ट रनर अप लुनिभा मानन्धर व सेकेन्ड रनरअप लुमना महर्जनयात छगू ज्याइवःया दथुइ भिन्तुना देखायेगु ज्या जूगु दु। भीगु सः टिभी ज्याइवः पुचःया ग्वसालय् जूगु ज्याइवल्य् भीगु सः टिभी ज्याइवःया निर्माता निर्देशक विजयरत्न असंबरे थजा?गु ज्याइवः धइगु प्रतिभाशाली मिसा मस्तयगु प्रतिभा व ज्ञान गुन न्ह्यब्वय्त ज्वःमदुगु

दबू खः धासे २३० ब्वः पूवने धुंकुगु भीगु सः टिभी ज्याइवःया न्हापांगु सिजनय् १५० ब्व तक प्रलिशा शाक्यं न्ह्याइपुसे च्वक्क बांलाक ज्याइवः न्ह्याकादीगु खँ लुमंकादिल। नेवाः परम्परा कथं भिन्तुना देछागु खः। ज्याइवल्य् फर्स्ट रनर अप लुनिभा मानन्धर व सेकेन्ड रनर अप लुमना महर्जन लगायत मिस नेवाः ज्याइवःया भाषा प्रशिक्षक नेवाः पत्रकार राष्ट्रिय दबुया केन्द्रिय सचिव राजु नापितं नुगःखँ तयादीगु खः।

समानुपातिक प्रतिनिधित्व चीकल धाःसा विद्रोह जुइ

लहना वाःपौ/ जनता समाजवादी पार्टीया संघीय परिषदया अध्यक्ष राजेन्द्रप्रसाद श्रेष्ठ संविधान संशोधनपाखे समानुपातिक प्रतिनिधित्व प्रणाली चीकल धाःसा तःधंगु विद्रोह जुइफइगु ख्याच्चः बियादीगु दु। वंगु शनिवाः यलय् जूगु छगू ज्याइवल्य् न्ववायेगु इवल्य् वय् कलं उगु ख्याच्चः बियादीगु खः। नेपाल बौद्धिक पेसाकर्मि

महासंघ पुनर्गठन घोषणासभाय् न्ववायेगु इवल्य् अध्यक्ष श्रेष्ठ थःगु पार्टी संघवाद व समाजवादयात मौलिक सिद्धान्तया रुपय् नालकाःगु धासे उत्पीडित राष्ट्रियताया मुक्ति संघवाद जूगु खँ धयादिल। लिसें वय्कलं बहुलतायुक्त देशय् संघवाद व समाजवादयात आधार दयेकाः न्ह्याःवनेत न्हू कथंया राजनीतिक आधार दयेकेमाःगु खँ धयादिल।

मुकुम्मलुङय् ...

यानाः विरोध याःगु दु। विज्ञप्तिइ शान्तिपूर्ण जुलुस यानाच्चंगु इलय् प्रहरीं आकाभाकां हस्तक्षेप यानाः प्रदर्शनकारीतय्त घाःपाः याय्गुया लिसे धरपकड याःगुलिं भत्सर्ना यानातःगु दु। लिसे ज्वपिंत तत्काल त्वःतेमाःगु व घाःपाः जूपिनिगु सरकारं निःशुल्क उपचार याय् माःगु माग नं यानातःगु दु। लिसें थीथी कथंया विरोधया ज्याइवः नं घोषणा याःगु दु। घोषित ज्याइवः कथं प्रदेशया भिंयंगुलिं जिल्लाय् विरोधसभा याय्गु, पत्रकार सम्मेलन याय्गु ज्याइवः घोषणा याःगु दु। आदिवासी नेवाः राजनीतिक अभियान नं वंगु फागुन ८ गते बसन्तपुरया महाद्यः पार्वती दबली प्लेकार्ड ब्बज्या याःगु दु। मुकुम्मलुङ्ग आन्दोलनय् राज्यं दमन याःगु विरोधय् ऐक्यबद्धता क्यनेगु कथं प्लेकार्ड ब्बज्या याःगु खः। उगु प्लेकार्ड ब्बज्या नेवाः ख्यःया थीथी मनूतय्स ब्बति काःगु दु।

राधिका शाक्यया ...

प्रधानमन्त्री ओलीया संघर्ष, कठिनाई, सफलता व समाज सेवाया विषयत दुथ्याःगु खँ कनादिल। सफुतिइ शाक्यया मचा ई, ब्वेनेज्या, जागिर व जीवनया थीथी थथ्याः क्वथ्याः नापं नेकपा (एमाले) या उबलय्था नेता ओलीलिसे इहिपा याय्धुंकाःया बिस्कंगु यात्राबारे न्ह्यथनातःगु दु। “न जि साहित्यकार, न च्वमि हे खः। अथेसां नुगलय् लूगु थःगु बिचाः गुबलय् गुबलय् च्वय्गु याना। उकियात हे संग्रह यानाः थौं सफू कथं हयेफूगु दु”, शाक्यं धयादिल, “जि मचाबलय् निसें हे गरिब, दुःखी, ल्वगि असहायत खनिबलय् चिन्तित जुइगु। जिं प्रधानमन्त्री ओली, उबलय्था केपीलसेया इहिपा नं व हे करुणां यानागु खः।” प्रधानमन्त्री ओली व धर्मपत्नी शाक्य दथुइ २०४४ सालय् इहिपा जूगु खः। उगु इवल्य् पाणिनी बुक्स प्रालिं अभिनन्दन पौ नं लःल्हाःगु खः।

रञ्जना लिपिं
पिहाँ वयाच्चंगु
रञ्जना लय्पौ
ब्वनादिसँ/ब्वकादिसँ

रञ्जना लिपि

RANJANA UP Monthly

लय्पौ

प्रचलित नेपाललिपिं पिहाँ वयाच्चंगु
म्हसीका लय्पौ ब्वनादिसँ/ब्वकादिसँ

म्हसीका

लय्पौ

MHASIKA Monthly | म्हसीका मासिक

२२ वडां न्याम्ह श्रष्टापिन्त हन



लहना वाःपौ/ यैँ महानगरपालिका-२२ वडाया ग्वसालय् साहित्य माध्यमं नेपालभाषाया संरक्षण व प्रवर्द्धनय् योगदान यानादीपिं न्याम्ह साहित्यकारतय् हंगु दु। अन्तर्राष्ट्रिय मातृभाषा रजत जयन्ती न्यायेकेगु इवलय् शनिबाः वडां 'चिनाखँ वाचन व स्रष्टा हना' ज्याइवः ग्वसाः ग्वःगु खः। उगु ज्याइवलय् बाखं च्वमिपि पुष्प चित्रकार, सुवर्णकेशरी चित्रकार, निरञ्जनरत्न शाक्य नाप कविपि नवीन चित्रकार व श्रीराम श्रेष्ठयात हंगु खः।

ज्याइवलय् भाषा आयोगया नायः डा गोपाल ठाकुरं भाषाय् विविधता दूगु हे नेपाःया बांलागु पक्ष जुगु धयादिल। वय् कलं न्हापा थःगु भाषं न्ववायेगु व च्वयेगु भरय् हे दीण्डत जुइमाःगु अवस्था जुगु, आः व अवस्था मदु धयादिल। वडा २२ या अध्यक्ष व यैँ महानगरपालिका

शिक्षा स्वास्थ्य समितिया कजि चिनीकाजी महर्जनं नेपाः बहुभाषिक देय् खः धयादिल खः। ज्याइवलय् न्ववायेगु इवलय् वय्कलं धयादिल, 'स्थानीय सरकारया दायित्व दुने पूर्वाधार निर्माण नापनापं सामाजिक, सांस्कृतिक व भाषिक अवस्थितियात म्वाकातयेगु नं खः। थुकिया विकास व विस्तार यायेगु नं खः। थुकिइ जिमिसं कुतः यानाच्चनाःगु दु।' ज्याइवलय् भाषा आयोगया दुजः सुरेशकिरण मानन्धरं युनेस्को थ्व दिवस घोषणा याये न्ह्यः नेपालभाषायात मातृभाषा कथं संरक्षण यायेगु तातुना नीन्यादै न्ह्यव न्हापांगु खुसिइ लिजः नेपालभाषा कविता दबूपाखें न्हापां बिचाः न्ह्यव्वयादीम्ह कवि नवीन चित्रकारया देनयात लुमकादिल।

बाखंच्चमि पुष्प चित्रकार २०२२ सालय् रेडियो नेपालं नेपालभाषाया बुखें

दिक्केधुंकाः साहित्य सम्मेलन यानाः विरोध यानादीम्ह खः। वय्कलं च्वखें, चिनाखें व समालोचनाय् नं च्वसा न्ह्यानादीगु दु। बाखंच्चमि सुवर्णकेशरी च्वयादीगु 'इल फपुइकी' जापानी, अङ्ग्रेजी व नेपाली भाषां भाय् हिलातःगु दु। निरञ्जनरत्न शाक्यं नेपाल संवत् १०९८ य् पिहांवःगु निकचा, ११०१ य् पिहांवःगु ब्वलासा लिसेया कृति पिथनादीगु खः। कवि नवीन चित्रकार भाषिक अधिकारया नितीं नीस्वंगु मुनासःया संस्थापक जुयादी। वय् कलं नेपाल भाषाया नाटक निर्देशन नं यानादीगु दु।

अथे हे पद्मरत्न तुलाधरं च्वयादीगु 'शिक्षक र विद्यार्थी' नाटकय् शिक्षकया भूमिका नं म्हितादीगु दु। 'जुलुसहीन जुलुसय् जि हालाच्चना' कविता सङ्ग्रहया च्वमि श्रीराम श्रेष्ठ न्ह्यु धारया प्रगतिशील कविया कथं म्हसिका दुम्ह च्वमि खः। साहित्यकार रमेशकाजी स्थापितं हीपिं स्रष्टापिनिगु म्हसिका न्ह्यव्वयादीगु खः। ज्याइवलय् नेपालभाषाया नापनापं मैथिली, राई, भोजपुरी व नेपाली भाषायापिं नीखुम्ह साहित्यकार भाजु मयजुपिसं थः थः भासं चिनाखें ब्वनादीगु खःसा वयकःपिन्त वडाध्यक्ष महर्जनं मतनाया चिं लःल्हनादीगु खः।

स्वयम्भू महोत्सव न्ह्यात

लहना वाःपौ/ वंगु शनिवाः निसैं स्वयम्भूया भुइख्यलय् छवाः यंकया 'स्वयम्भू महोत्सव २०८१' तःजिक न्ह्याःगु दु।

यैँ महानगरपालिकाया मेयर बालेन साहं उलेज्या यासैं न्ह्याःगु महोत्सव वइगु फागुन १७ गते तक न्ह्याइगु खँ ग्वसाः खलकं धाःगु दु।

शनिवाः सुथय् थीथी सांस्कृतिक भाँकी सहित न्याली पिहां वःगु खःसा वयां लिपा भुइख्यलय् वनाः सभाय् हिउगु खः। वडा अध्यक्ष ईश्वरमान डंगोलया सभापतित्वय् ज्याइवः जुगु



खः। महोत्सवय् थीथी सांगीतिक ज्याइवःया लिसे नसा ज्वलं, हस्तकला आदिया ब्वज्या जुइगु खँ धाःगु दु।

छवाःया दुने थ्यंमथ्यं १ लाख दर्शक स्वयां अप्वस्यां अवलोकन याइगु अनुमान यानातःगु दु।



स्वयम्भू महोत्सव २०८१

"पुर्खाको पौरख नेपाली गौरव"

१०८१ फाल्गुन १० गतेदेखि १७ गतेसम्म।

प्रजातन्त्रका मुलभूत मान्यता

- जनताको बहुदलीय लोकतान्त्रिक शासन प्रणाली,
- मौलिक हक र मानव अधिकार,
- आवधिक निर्वाचन,
- बालिग मताधिकार,
- नागरिक स्वतन्त्रता,
- स्वतन्त्र, निष्पक्ष र सक्षम न्यायपालिका,
- कानूनी राज्यको अवधारणा,
- पूर्ण प्रेस स्वतन्त्रता,
- शक्ति पृथकीकरण, नियन्त्रण र सन्तुलन।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्तरीय शुलभ स्वास्थ्य सेवा सकसियां निति, असहायता निति जक निःशुल्क"

उपलब्ध सेवा

२४सै घण्टा सेवा

- ईमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोलिबिन्द
- ज्वरत त्वरी
- नाक बान घाँटी सम्बन्धि
- हाडजोर्नी तथा नसा सम्बन्धि
- शिवा विरकार पिनाइ मसीको पत्तर सम्बन्धि

बहिरङ्ग सेवा

- मुटु रोग
- पेट रोग
- यूरोलोजी
- स्त्री रोग
- बाल रोग
- कवाल्सर रोग
- दन्त रोग
- आँखा रोग
- जलरोग मेडिसिन
- धमन तथा यौन रोग
- नाक बान घाँटी रोग
- जलरोग हेल्थ चेक अप
- बाइरोइड
- मधुमेह

मेमेमू सेवा

- ड्रेसिङ
- इण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, क्लर इमेज र इको
- यूरोलोजी स्तरको दन्त प्रयोगशाला
- टिएम.टि. हल्टर

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९